

“ \_\_\_\_\_ ” \_\_\_\_\_ 2022 йил.

**Тошкент тиббиёт академияси Термиз филиалида  
коррупцион хавф-хатарларни баҳолаш**

**Й Ў Р И Қ Н О М А С И**

**1 - боб. Умумий қоидалар**

**1.** Ушбу Йўриқнома Тошкент тиббиёт академияси Термиз филиали бўлимлари, деканат ва кафедралари ҳамда клиник (ўқув) базалари (кейинги ўринларда - филиал)га юклатилган вазифа ва функцияларни бажариш жараёнида келиб чиқадиган коррупцион хавф-хатарларни баҳолашга қўйиладиган талабларни белгилайди ҳамда филиалда, унинг бўлимлари, деканат ва кафедралари ҳамда клиник (ўқув) базалари (кейинги ўринларда – филиал)да коррупцион хавф-хатарларни баҳолаш бўйича ягона ёндашувни шакллантиришга қаратилган.

**2.** Филиалда коррупцион хавф-хатарларни баҳолашдан мақсад қуйидагилардан иборат:

- филиал фаолиятини ҳар томонлама таҳлил қилиш орқали коррупциявий хавф-хатари юқори бўлган лавозимлар ва функцияларни аниқлаш;

- коррупцион хавф-хатарларни минималлаштириш борасида самарали профилактик чораларни ишлаб чиқиш.

**3.** Филиалда коррупцион хавф-хатарларни баҳолаш қуйидагиларни ишлаб чиқишни назарда тутди:

- коррупцион хавф-хатарларни минималлаштириш хариталари;

- филиалда коррупцияга қарши кураш бўйича чора-тадбирларни, масъул/координатор ижрочиларни, амалга ошириш механизмини ва уларни бажариш муддатларини ўз ичига олган дастур.

**4.** Филиалда коррупцион хавф-хатарларни баҳолаш ҳар йили, истисно тариқасида қуйидаги ҳолларда амалга оширилади:

- коррупцион хавф-хатарларни дастлабки баҳолаш зарурати;

- Ўзбекистон Республикаси қонунчилига ўзгаришлар киритилган тақдирда;

- филиалнинг ички хужжатларида функциялар ёки жараёнларни амалга оширилишига сезиларли таъсир кўрсатадиган ўзгаришлар киритилганда;

- филиал таркибида ўзгаришлар киритилганда, янги функциялар пайдо бўлганда, филиалда хавф-хатар функцияларни амалга ошириш хусусиятларида

ўзгаришлар юзага келганда;

- филиалда коррупцион хавф-хатарлар даражасига таъсир кўрсатиши мумкин бўлган бошқа мажбуриятлар юзага келганда.

**5.** Мазкур Йўриқномада қуйидаги асосий тушунчалар қўлланилади:

**Коррупцион хавф-хатарлар харитаси** - филиал бўлимлари, деканат ва кафедралари ҳамда клиник (ўқув) базаларида коррупцион хавф-хатарларни баҳолаш натижалари бўйича тузиладиган хужжат бўлиб, у ўз ичига давлат органи ёки муассасасининг функциялари ва жараёнлари рўйхатини, тегишли функцияларни амалга ошириш билан боғлиқ эҳтимолий коррупцион хавф-хатар (схема)лар тавсифини, коррупцион хавф-хатарларнинг мавжуд ёки қолдиқ даражасини, уларни камайтириш бўйича тадбирларни, амалга ошириш муддатларини, аниқланган коррупцион хавф-хатарларни камайтириш бўйича чора-тадбирларни амалга ошириш учун жавобгар ходимларни қамраб олади.

**Коррупцион хавф-хатарларни умумлашган харитаси** – филиалда коррупцион хавф-хатарларни баҳолаш натижалари бўйича тузиладиган умумлашган хужжат бўлиб, у ўз ичига филиалдаги функциялар ва жараёнларнинг умумий рўйхатини, тегишли функцияларни амалга ошириш билан боғлиқ бўлган, эҳтимолий коррупцион хавф-хатар (схема)лар тавсифини, коррупцион хавф-хатарларнинг мавжуд ёки қолдиқ даражасини, уларни камайтириш бўйича тадбирларни, аниқланган коррупцион хавф-хатарларни камайтириш бўйича чора-тадбирларни амалга ошириш учун жавобгар ходимларни қамраб олади.

**Коррупцион хавф-хатар** - филиал ходимлари ёки учинчи шахслар томонидан филиал номидан ва/ёки уларнинг манфаатларини кўзлаб коррупциявий хатти-ҳаракатларни содир этиш эҳтимоли ва хавфи, шу жумладан:

**Табий хавф-хатар** - филиал бўлимлари, деканат ва кафедралари ҳамда клиник (ўқув) базалари учун хос хавф-хатар тури бўлиб, уни камайтиришга қаратилган чора-тадбирларни ижросини инобатга олмаган ҳолда амалга ошириладиган функциялар ва фаолиятнинг ўзига хос хусусиятлари (яъни, мавжуд коррупцияга қарши кураш сиёсати ва тартиб-таомилларни, шунингдек хавф-хатарни камайтириш ҳамда жорий этилган назорат чора-тадбирларини инобатга олмаган ҳолда);

**Қолдиқ хавф-хатар** - филиал бўлимлари, деканат ва кафедралари ҳамда клиник (ўқув) базалари томонидан хавф-хатарга қарши чораларни кўрганидан кейин қоладиган хавф-хатар тури (яъни, мавжуд коррупцияга қарши кураш сиёсати ва тартиб-таомилларни, шунингдек хавф-хатарларни камайтириш ҳамда жорий этилган назорат чора-тадбирларини инобатга олган ҳолда);

**Коррупциявий ҳаракатлар** - ходим томонидан пора берувчининг манфаатларини кўзлаб ҳаракат ёки ҳаракатсизлиги учун бевосита ёки билвосита, шахсан ёки учинчи шахслар орқали порани, яъни пул, кимматбаҳо қоғозлар, бошқа мол-мулкни, мулкий тусдаги хизматларни, бошқа мулкий ҳуқуқларни олиш, талаб қилиш, таклиф қилиш, ваъда қилиш, шунингдек пора бериш ва (ёки) олишда воситачилик қилиш, расмиятчиликларни соддалаштириш учун тўловларни олиш, ходим томонидан пора олиш ёки

хуқуққа хилоф бошқа мақсадларда ўз хизмат мавқеидан ноқонуний фойдаланиш;

**Коррупцияга оид хуқуқбузарлик** - коррупция белгиларига эга бўлган, содир этилганлиги учун Ўзбекистон Республикаси қонун ҳужжатларида жавобгарлик назарда тутилган қилмиш;

**Коррупцияга қарши курашиш "Комплаенс назорат" тизмини бошқариш бўлими** – Тошкент тиббиёт академияси Термиз филиали таркибидаги Коррупцияга қарши курашиш "Комплаенс назорат" тизмини бошқариш бўлими, шунингдек филиалнинг барча тегишли бўлимлари, деканат ва кафедралари ҳамда клиник (ўқув) базаларида коррупцияга қарши курашиш учун масъуллари/координаторлари;

**Коррупцион хавф-хатарларни баҳолаш** - филиал бўлимлари, деканат ва кафедралари ҳамда клиник (ўқув) базаларининг амалга оширадиган вазибаларини таҳлил қилиш, уларнинг коррупцион хавф-хатарларга мойиллиги даражасини аниқлаш, шунингдек тегишли функциялар доирасида амалга ошириладиган жараёнлар учун табиий ва қолдик хавф-хатарларни баҳолаш бўйича фаолият тури;

**Тартиб** - битта шахс томонидан бажарилиши асосида битта гуруҳга бирлаштирилиши мумкин бўлган ёки битта натижага йўналтирилган ёки маълум бир жараённинг ажралмас элементи бўлган филиал бўлимлари, деканат ва кафедралари ҳамда клиник (ўқув) базалари функцияларини амалга ошириш доирасидаги ҳаракатлар мажмуи;

**Функция** - бир неча тартиб-таомиллар йиғиндисини ташкил этувчи филиал бўлимлари, деканат ва кафедралари ҳамда клиник (ўқув) базалари фаолиятининг ички жараёнларидан бири (фаолият йўналиши).

**Эксперт хулосаси** - филиалдаги бўлим ёки ходимнинг субъектив қарашлари ёки фикрига, маълум бир далил ёки жараёнга асосланган қарор.

**6.** Филиалдаги коррупциявий хавф-хатарларни баҳолаш, уни амалга ошириш муддатлари кўрсатилган ҳолда, Олий ва ўрта махсус таълим вазирининг ва филиал директорининг кўрсатмалари асосида амалга оширилади.

**7.** Коррупцион хавф-хатарларни баҳолаш ишчи гуруҳлар томонидан амалга оширилади, уларнинг таркиби филиал директори томонидан тасдиқланади:

**8.** Филиалнинг ишчи гуруҳлари таркибига қуйидагилар киради:

- филиалнинг коррупцияга қарши курашиш "Комплаенс назорат" тизимини бошқариш бўлими, тегишлилиги бўйича барча директор ўринбосарлари, тегишлилиги бўйича бўлим бошлиқлари, кафедра мудирлари ҳамда маъсуллар/координаторлар;

- коррупцион хавф-хатарлар даражасини баҳолаш учун етарли билим ва тажрибага эга бўлган филиалнинг бошқа ходимлари.

**9.** Коррупцияга қарши курашиш "Комплаенс назорат" тизимини бошқариш бўлими филиалдаги коррупцион хавф-хатарларни баҳолашни амалга оширади, шунингдек филиалнинг барча тегишли бўлимларида, кафедралар ва клиник (ўқув) базаларида хавф-хатарларни баҳолашни (барча тегишли бўлимлар, кафедралар ва клиник (ўқув) базаларда коррупцияга қарши курашиш

учун масъуллар/координаторларни жалб қилган ҳолда) амалга оширилишини ташкил қилади, шу билан бирга қуйидаги вазифаларни ҳам бажаради:

- филиалдаги коррупцион хавф-хатарларни баҳолаш жараёни устидан умумий назоратни олиб бориш;

- мазкур Йўриқномада назарда тутилган тартибга риоя қилиш юзасидан коррупцияга қарши курашиш бўйича масъуллар/координаторларга маслаҳат беради;

- филиалнинг барча тегишли бўлимлари, деканат ва кафедралари ҳамда клиник (ўқув) базаларидан олинган коррупцион хавф-хатарлар хариталарини умумлашган коррупцион хавф-хатарлар харитасига жамлайди;

- филиал директориغا хавф-хатарни баҳолаш натижаларини ва коррупцион хавф-хатарларнинг умумлашган харитасини тақдим этади;

- филиал тизимидаги коррупцион хавф-хатарларни камайтириш бўйича чора-тадбирларни амалга оширилишини назорат қилади ва мувофиқлаштиради;

- зарурат туғилганда, филиал барча тегишли бўлимлари бошлиқлари ва/ёки маъсуллари/координаторларидан, деканат ва кафедра мудирлари ҳамда клиник (ўқув) базалардаги коррупцияга қарши курашиш учун масъул шахслардан қўшимча маълумот ва ҳужжатларни сўрайди;

- коррупциянинг пайдо бўлишига олиб келувчи шарт-шароитлар ва сабабларни бартараф этишга доир тадбирларни амалга оширишга қаратилган тақлифлар киритади;

- филиалнинг барча тегишли бўлимлари бошлиқлари ва/ёки маъсуллари/координаторларидан, деканат ва кафедралари ҳамда клиник (ўқув) базаларидаги коррупцияга қарши курашиш бўйича дастурларни кўриб чиқиш натижасида уларни қабул қилишнинг мақсадга мувофиқлиги тўғрисида хулосалар тайёрлайди;

- ушбу Йўриқномада назарда тутилган бошқа вазифаларни ҳам бажаради.

**10.** Филиалда тегишли бўлимлар, деканат ва кафедралар ҳамда клиник (ўқув) базаларда коррупцияга қарши курашиш бўйича масъуллар/координаторлар коррупцион хавф-хатарларни баҳолашни амалга оширади ва ташкил қилади, шунингдек улар қуйидаги вазифаларни бажаради:

- коррупцион хавф-хатарларни баҳолашни амалга ошириш юзасидан ишчи гуруҳлар фаолиятини мувофиқлаштиради;

- тегишли бўлимлар, деканат ва кафедралар ҳамда клиник (ўқув) базаларда коррупцион хавф-хатарларни баҳолаш жараёнини назорат қилиб боради;

- тегишли бўлимлар, деканат ва кафедралар ҳамда клиник (ўқув) базаларнинг таркибий бўлинмаларига мазкур Йўриқномада назарда тутилган тартиб-қоидаларга риоя этиш юзасидан маслаҳатлар беради;

- зарурат туғилганда тегишли бўлимлар, деканат ва кафедралар ҳамда клиник (ўқув) базалар раҳбарларидан қўшимча маълумот ва ҳужжатларни сўраб олади;

- филиалда барча тегишли бўлимлар, деканат ва кафедралар ҳамда клиник (ўқув) базаларда коррупцион хавф-хатарлар хариталарини тузади;

- ушбу Йўриқномада назарда тутилган тартибда коррупцион хавф-

хатарлар хариталарининг зарурий келишувини таъминлайди;

- филиалда барча тегишли бўлимлар, деканат ва кафедралар ҳамда клиник (ўқув) базаларда коррупциянинг пайдо бўлишига олиб келувчи шарт-шароитлар ва сабабларни бартараф этишга доир тадбирларни амалга оширишга қаратилган таклифлар киритади;

- филиалда барча тегишли бўлимлар, деканат ва кафедралар ҳамда клиник (ўқув) базаларда коррупцион хавф-хатарларни камайтиришга доир тадбирларни амалга оширилишини мувофиқлаштиради ва назорат қилади;

- ушбу Йўриқномада назарда тутилган бошқа вазифаларни ҳам бажаради.

## **2 - боб. Коррупцион хавф-хатарларни бирламчи баҳолаш**

**11.** Коррупцион хавф-хатарларни бирламчи баҳолаш филиал директорининг буйруғи билан филиалнинг барча тегишли бўлимлари, деканат ва кафедралари ҳамда клиник (ўқув) базаларида амалга оширилади.

Филиал директори буйруғи лойиҳасини коррупцияга қарши курашиш "Комплаенс назорат" тизимини бошқариш бўлими томонидан тайёрланади. Буйруқ лойиҳасида мазкур Йўриқномада назарда тутилган ҳар бир босқични амалга ошириш муддатлари аниқ кўрсатилиши лозим.

Коррупцион хавф-хатарларни бирламчи баҳолашнинг умумий муддати 3 (уч) ойдан ошмаслиги керак.

**12.** Коррупцион хавф-хатарларни бирламчи баҳолаш ўз ичига функцияларнинг коррупцион хавф-хатарга дуч келиш даражасини олдиндан баҳолашни ва тегишли функциялар доирасида филиал ходимлари томонидан бажариладиган айрим тартиб-таомилларда коррупцион хавф-хатарлар даражасини баҳолашни қамраб олади.

**13.** Коррупцион хавф-хатарларни бирламчи баҳолаш мазкур бобнинг 14-20 - бандларида кўрсатилган тартибда ва кетма-кетликда пастдан (филиал бўлимлари, деканат ва кафедралар ҳамда клиник (ўқув) базалари) юқорига (директорлик даражасигача) амалга оширилади.

**14.** Биринчи босқичда ишчи гуруҳлар раҳбари мазкур Йўриқноманинг 1-иловасида келтирилган функцияларни таснифлаш шакли (кейинги ўринларда - шакл) асосида филиалнинг таркибий бўлимлари, деканат ва кафедралари ҳамда клиник (ўқув) базалари томонидан амалга ошириладиган функциялар ва тадбирлар тавсифини ишлаб чиқиш бўйича кўрсатмалар тайёрлайди.

Топширикда тўлдирилган шаклларни ишчи гуруҳга топшириш муддати (ўн иш кунидан кам бўлмаган) кўрсатилади.

Шаклларни тўлдириш XLSQ ёки doc. электрон форматида амалга оширилади. Шаклларга қўшимча устунлар қўшишга йўл қўйилмайди.

Филиалнинг барча тегишли бўлимлари, деканат ва кафедралари ҳамда клиник (ўқув) базалари маъсуллари/координаторлари шаклларни қуйидаги тартибда тўлдирадилар:

Шаклга функциялар доирасида бажариладиган вазифалар ва тартиб-таомилларнинг тўлиқ рўйхати, шунингдек уларни бажаришга масъул бўлганлар киритилади:

ўз тажрибаларига ҳамда ушбу Йўриқноманинг 4-бобида келтирилган

мезонларга асосланиб, ҳар бир функциянинг коррупция хавф-хатарига дучор бўлиш даражаси баҳоланади;

ўз тажрибаларига ҳамда ушбу Йўриқноманинг 4-бобида келтирилган мезонларга асосланиб, ҳар бир тартиб-тамойлга хос бўлган хавф даражаси баҳоланади;

коррупцион хавф-хатари<sup>1</sup> кўпроқ мойил бўлган функцияларга тааллуқли тартиб-таомиллар учун қуйидаги маълумотлар тўлдирилади:

- ушбу тадбир доирасида амалга оширилиши мумкин бўлган эҳтимолий коррупцион сценариялар (хавф-хатарлар);

- коррупция сценарийларини (хавф-хатарларини) амалга ошириш хавфини камайтиришга қаратилган антикоррупцион тадбирларини бажарилиши;

- антикоррупцион тадбирларни амалга ошириш учун масъул ходимларни;

- антикоррупцион тадбирлар белгиланган норматив-ҳуқуқий ва ички ҳужжатларни;

- шунингдек, ўз тажрибалари ва ушбу Йўриқноманинг 4-бобида кўрсатилган мезонларга асосланиб, қолдик коррупцион хавф-хатарлар даражаси баҳоланади.

---

<sup>1</sup>Коррупцион хавф-хатарларга кўпроқ мойил бўлган функциялар билан боғлиқ тадбирлар учун коррупцион хавф-хатарларни баҳолашда чекланган ресурслар (кадрлар, моддий-техник ва молиявий)дан оқилона фойдаланиш учун тақдим этилади. Агар филиалда етарли ресурслар мавжуд бўлса, ушбу маълумотлар коррупция хавфига энг кам мойиллик касб этувчи функцияларга тегишли бўлган тадбирлар учун ҳам тўлдирилади.

Филиалнинг барча тегишли бўлимлари, деканат ва кафедралари ҳамда клиник (ўқув) базалари томонидан тўлдирилган шакллар таҳлил қилиш мақсадида коррупцияга қарши курашиш "Комплаенс назорат" тизимини бошқариш бўлими ходимларига ёхуд ишчи гуруҳи таркибига киритилган коррупцияга қарши курашишга масъулларга топширилади. Функциялар/тадбирлар ҳамда уларга берилган хавф-хатар даражаларига оид саволлар ва камчиликлар аниқланган тақдирда, коррупцияга қарши курашиш "Комплаенс назорат" тизимини бошқариш бўлими ходимларига ёхуд ишчи гуруҳи таркибига киритилган коррупцияга қарши курашишга масъуллар томонидан функциялар/тадбирларни бажариш учун масъул бўлган бўлимлар, деканат ва кафедралар ҳамда клиник (ўқув) база раҳбарларига изоҳ бериш ва/ёки шаклларни тўғрилаш бўйича сўровнома юборилади. Жавоб хати коррупцияга қарши курашиш "Комплаенс назорат" тизимини бошқариш бўлими ходимларига ёхуд ишчи гуруҳи таркибига киритилган коррупцияга қарши курашишга масъулларга сўров олинган кундан бошлаб 2 (икки) иш кунидан кўп бўлмаган муддатда юборилиши зарур.

Коррупцияга қарши курашиш "Комплаенс назорат" тизимини бошқариш бўлими ходимларига ёхуд ишчи гуруҳи таркибига киритилган коррупцияга қарши курашишга масъуллар ўзларининг эксперт хулосаларига таянган ҳолда функциялар ва/ёки тадбирларнинг коррупцион хавф-хатарлар даражасини ўзгартиришлари мумкин, шунингдек тегишли бўлимлар, деканат ва кафедралар ҳамда клиник (ўқув) базалар томонидан бажарилган хатарларни баҳолашга

бошқа ўзгартиришлар киритишлари мумкин.

Тўлиқ тўлдирилганлик нуқтаи-назаридан шакллари таҳлил қилиш, хатарлар даражасини аниқлаш Йўриқномасига амал қилиш, барча тегишли бўлим, деканат ва кафедралар ҳамда клиник (ўқув) базалари томонидан шакллари тўлдириш ўртасида номувофиклик натижаларига кўра, коррупцияга қарши курашиш "Комплаенс назорат" тизимини бошқариш бўлими ходимларига ёхуд ишчи гуруҳи таркибига киритилган коррупцияга қарши курашишга масъуллар филиалнинг коррупцион хавф-хатарлари хариталарини мазкур Йўриқноманинг 3-иловасида кўрсатилган шаклда тўлдирадilar, шунингдек коррупцион хавф-хатарларни камайтириш бўйича чора-тадбирларни ишлаб чиқадилар.

Коррупцияга қарши курашиш "Комплаенс назорат" тизимини бошқариш бўлими ходимларига ёхуд ишчи гуруҳи таркибига киритилган, коррупцияга қарши курашишга масъуллар коррупцион хавф-хатарларни камайтириш бўйича чора-тадбирларни хавф-хатарлар харитасига киритиш жараёнида тегишли бўлимлар, деканат ва кафедралар ҳамда клиник (ўқув) базалар раҳбарлари билан келишадилар.

Агар коррупцияга қарши курашиш "Комплаенс назорат" тизимини бошқариш бўлими ходимларига ёхуд ишчи гуруҳи таркибига киритилган коррупцияга қарши курашишга масъуллар шунингдек тегишли бўлимлар, деканат ва кафедралар ҳамда клиник (ўқув) базалар маъсул/координаторлари аниқланган хавф-хатарлар, функциялар ва тадбирларни баҳолаш даражаси, хатарларни камайтириш ва бошқа масалаларда келиша олмаса, ҳар икки томоннинг позицияси филиал, тегишли бўлим, деканат ва кафедралар ҳамда клиник (ўқув) базаларнинг коррупцион хавф-хатарлар харитасида ўз аксини топади ёхуд тегишли ишчи гуруҳга кўриб чиқиш учун тақдим этилади.

Коррупцияга қарши курашиш "Комплаенс назорат" тизимини бошқариш бўлими ходимлари/координаторлар ёки коррупцияга қарши курашиш бўйича маъсуллар филиал, тегишли бўлимлар, деканат ва кафедралар ҳамда клиник (ўқув) базасининг коррупцион хавф-хатарлар харитасини ишчи гуруҳларга кўриб чиқиш ва тасдиқдаш учун киритадилар. Ишчи гуруҳлар йиғилиши натижалари бўйича баённомалар тузилиб, унда қабул қилинган қарорлар қайд этиб борилади. Баённомалар барча ишчи гуруҳлар аъзолари томонидан имзоланади ва коррупцияга қарши курашиш "Комплаенс назорат" тизимини бошқариш бўлими ходимларида сақланади.

Филиалнинг барча тегишли бўлимлари, деканат ва кафедралари ҳамда клиник (ўқув) базаларининг коррупцион хавф-хатарлар хариталарини тузиш ва келишиш муддати функция/тадбирларни бажариш учун масъул бўлган барча тегишли бўлимлар, деканат ва кафедралар ҳамда клиник (ўқув) базалар маъсуллари/координаторларига шакллари тақдим этиш учун белгиланган кундан бошлаб 20 иш кунидан ошмаслиги керак (коррупцион хавф-хатарларини баҳолаш бўйича филиал директори буйруғида кўрсатилади).

15. Ишчи гуруҳ томонидан барча тегишли бўлимлар, деканат ва кафедралар ҳамда клиник (ўқув) базаларининг коррупцион хавф-хатарлар хариталарини тасдиқланганидан сўнг, координаторлар ёки коррупцияга қарши

курашиш бўйича маъсуллар уларни коррупцияга қарши курашиш "Комплаенс назорат" тизимини бошқариш бўлимига юбордилар.

16. Коррупцияга қарши курашиш "Комплаенс назорат" тизимини бошқариш бўлими филиалнинг тегишли бўлимлар, деканат ва кафедралар ҳамда клиник (ўқув) базаларнинг коррупцион хавф-хатарларининг умумлашган хариталарини мазкур Йўриқноманинг 3-иловасида келтирилган шаклда тайёрлайди, шу асосда филиал, барча тегишли бўлимлар, деканат ва кафедралар ҳамда клиник (ўқув) базаларнинг коррупцион хавф-хатарлар харитаси тайёрланади.

17. Агар саволлар ва камчиликлар аниқланса коррупцияга қарши курашиш "Комплаенс назорат" тизимини бошқариш бўлими коррупцияга қарши курашиш бўйича координаторлар/маъсулларга аниқланган камчиликлар юзасидан сўровнома юборади. Жавоб хати сўров олинган кундан бошлаб 2 (икки) иш кунидан кўп бўлмаган муддатда тақдим қилиниши шарт.

18. Коррупцион хавф-хатарларнинг умумлашган харитасини тузиш, коррупцияга қарши курашиш "Комплаенс назорат" тизимини бошқариш бўлимига коррупцион хавф-хатарлар харитасини тақдим этиш учун белгиланган кундан бошлаб 10 иш кунидан ошмаслиги зарур (коррупцион хавф-хатарларини баҳолаш бўйича филиал директори буйруғида кўрсатилади).

19. Колдиқ коррупцион хавф-хатар даражаси юқори бўлган тадбирлар учун коррупцияга қарши курашиш "Комплаенс назорат" тизимини бошқариш бўлими, шунингдек барча тегишли бўлимлар, деканат ва кафедралар ҳамда клиник (ўқув) базаларнинг коррупцияга қарши курашиш бўйича координаторлари/маъсуллари коррупцион хавф-хатарга кўпроқ мойил бўлган лавозимлар рўйхатини мазкур Йўриқноманинг 5-иловасига мувофиқ ишлаб чиқадиладар.

20. Филиал, барча тегишли бўлимлар, деканат ва кафедралар ҳамда клиник (ўқув) базаларнинг коррупцион хавф-хатарларининг якуний харитаси ҳамда коррупцион хавф-хатарга кўпроқ мойил бўлган лавозимлар рўйхати коррупцияга қарши курашиш "Комплаенс назорат" тизимини бошқариш бўлими, шунингдек барча тегишли бўлимлар, деканат ва кафедралар ҳамда клиник (ўқув) базаларда коррупцияга қарши курашиш бўйича маъсулларнинг таклифлари асосида филиал директори ва барча тегишли бўлимлар, деканат ва кафедралар ҳамда клиник (ўқув) базаларнинг раҳбарлари томонидан тасдиқланади.

Коррупцион хавф-хатарларнинг умумлашган харитаси филиалнинг коррупцияга қарши курашиш "Комплаенс назорат" тизимини бошқариш бўлими тавсиясига асосан филиал директор томонидан тасдиқланади.

### **3 - боб. Коррупцион хавф-хатарларни кейинчалик (хар йилги) баҳолаиши**

21. Филиалда коррупцион хавф-хатарларни кейинчалик баҳолаш филиал директори буйруғи асосида доимий тарзда, йилда бир маротаба амалга оширилади.

Филиал директори буйруғи лойиҳасини коррупцияга қарши курашиш

"Комплаенс назорат" тизимини бошқариш бўлими тайёрлайди. Буйруқ лойиҳасида мазкур Йўриқномада назарда тутилган ҳар бир босқични ижро этиш муддатлари мажбурий тартибда кўрсатилади.

Коррупцион хавф-хатарларни кейинчалик (ҳар йилги) баҳоланиши муддати 2 ойдан ошмайди.

**22.** Коррупцион хавф-хатарларни ҳар бешинчи, кейинчалик (ҳар йилги) баҳоланиши (яъни 5 (беш) йилда бир марта) коррупцион хавф-хатарларни бирламчи баҳоланиши тартибида ўтказилади (2-боб).

**23.** Филиал директори буйруғи асосида барча тегишли бўлимлар, деканат ва кафедралар ҳамда клиник (ўқув) базаларнинг коррупцияга қарши курашиш бўйича масъуллари/координаторлари филиалнинг коррупцияга қарши курашиш "Комплаенс назорат" тизимини бошқариш бўлимига сўровнома (мазкур Йўриқноманинг 2-иловаси) юборади, унда раҳбарлар ўз бўлимларининг функциялари ва тартиботларидаги ўзгаришларни олдинги коррупцион хавф-хатарларни баҳолашга таққослашлари лозим, шу жумладан қуйидаги ахборотни:

- филиалнинг барча тегишли бўлимлари, деканат ва кафедралари ҳамда клиник (ўқув) базалари томонидан бажариладиган функциялар ва/ёки тартиботларга таъсир ўтказувчи қонунчиликда қандайдир ўзгаришлар юз бердим;

- филиал, унинг барча тегишли бўлимлари, деканат ва кафедралари ҳамда клиник (ўқув) базалари функциялари ва/ёки тартиботларини амалга оширишга таъсир қилган ёки таъсир қилиши мумкин бўлган фаолиятда ёки бошқа давлат органлари тизимида ёки бошқа ташқи таъсирлар сабабли қандайдир ўзгаришлар содир бўлганми;

- коррупцион хавф-хатарларни якуний баҳолашдан бошлаб функция ва/ёки тартиботда, ички кужжатлар асосида тартибга солинувчи функция ва/ёки тартиботда қандайдир ўзгаришлар содир бўлганми;

- коррупцион хавф-хатарларни олдинги баҳолаш билан назарда тутилган коррупцион хавф-хатарларни камайтириш бўйича тегишли чора-тадбирлар амалга оширилганми;

- филиалнинг барча бўлимлари, деканат ва кафедралари ҳамда клиник (ўқув) базаларида функциялар ва/ёки тартиботларни бажариш тартибига таъсир қилиши мумкин бўлган бошқа ҳолатлар мавжудми.

**24.** Коррупцияга қарши курашиш "Комплаенс назорат" тизимини бошқариш бўлими, барча тегишли бўлимлар, деканат ва кафедралар ҳамда клиник (ўқув) базаларларнинг коррупцияга қарши курашиш бўйича масъуллари/координаторлари барча тегишли бўлимлари, деканат ва кафедралари ҳамда клиник (ўқув) базалари раҳбарлари томонидан тўлдирилган сўровномаларни йиғиб олади, уларни таҳлил қилади ва киритилган ўзгаришларни белгилаб, филиал, барча тегишли бўлимлар, деканат ва кафедралар ҳамда клиник (ўқув) базаларнинг коррупцион хавф-хатарлари хариталарига ўзгаришлар киритади.

Сўровномаларни тўлдириш бўйича саволлар ва эътирозлар пайдо бўлганда, коррупцияга қарши курашиш "Комплаенс назорат" тизимини

бошқариш бўлими, барча тегишли бўлимлар, деканат ва кафедралар ҳамда клиник (ўқув) базаларнинг коррупцияга қарши курашиш бўйича масъуллари/координаторлари томонидан филиал, барча тегишли бўлимлар, деканат ва кафедралар ҳамда клиник (ўқув) базалар раҳбарларига талабнома юборади. Мазкур сўровга жавоб 2 (икки) иш кунида тақдим этилиши лозим.

Коррупцион хавф-хатарлар хариталарига тузатишлар киритиш муддати филиалнинг барча тегишли бўлимлари, деканат ва кафедралари ҳамда клиник (ўқув) базалари раҳбарлари, функция/тартиботни бажарилишига масъуллар учун сўровномалар тақдим қилиш учун белгиланган муддатдан 10 (ўн) иш кунидан ошмаслиги керак (коррупцион хавф-хатарларини баҳолаш бўйича филиал директори буйруғида кўрсатилади).

**25.** Коррупцион хавф-хатарлар хариталарини тузатилган шаклини (уларда белгиланган ўзгаришлар билан) филиалнинг барча тегишли бўлимлари, деканат ва кафедралари ҳамда клиник (ўқув) базаларида коррупцияга қарши курашиш бўйича масъуллари/координаторлари коррупцияга қарши курашиш "Комплаенс назорат" тизимини бошқариш бўлимига юборади.

**26.** Коррупцияга қарши курашиш "Комплаенс назорат" тизимини бошқариш бўлими коррупцион хавф - хатарларнинг умумлашган харитасини тайёрлайди ва унда олдин ўтказилган коррупцион хавф-хатарларни баҳолашга солиштирган ҳолда ўзгаришларни белгилайди.

Тегишли саволлар ва эътирозлар пайдо бўлганда, коррупцияга қарши курашиш "Комплаенс назорат" тизимини бошқариш бўлими, барча тегишли бўлимлар, деканат ва кафедралар ҳамда клиник (ўқув) базаларнинг коррупцияга қарши курашиш бўйича масъуллари/координаторлари томонидан филиалнинг барча тегишли бўлимлари, деканат ва кафедралари ҳамда клиник (ўқув) базаларининг раҳбарларига талабнома юборади. Мазкур сўровга жавоб 2 (икки) иш кунида тақдим этилиши лозим.

**27.** Коррупцион хавф-хатарларнинг умумлашган хариталарини тайёрлаш даври коррупцияга қарши курашиш "Комплаенс назорат" тизимини бошқариш бўлимига коррупцион хавф-хатарлар хариталарини тақдим этиш учун белгиланган вақтдан бошлаб 10 (ўн) иш кунидан ортмаслиги лозим (коррупцион хавф-хатарларини баҳолаш бўйича филиал директори буйруғида кўрсатилади).

**28.** Қолдиқ коррупцион хавф-хатарларнинг юқори даражаси билан тавсифланадиган тартиботлар учун коррупцияга қарши курашиш "Комплаенс назорат" тизимини бошқариш бўлими, барча тегишли бўлимлари, деканат ва кафедралари ҳамда клиник (ўқув) базаларнинг коррупцияга қарши курашиш бўйича масъуллари/координаторлари томонидан мазкур Йўриқноманинг 5-иловаси асосида коррупцион хавф-хатарларга энг кўп дуч келадиган лавозимлар рўйхатини ишлаб чиқади.

**29.** Филиал, барча тегишли бўлимлар, деканат ва кафедралар ҳамда клиник (ўқув) базаларнинг коррупцион хавф-хатарларининг якуний харитаси ҳамда коррупцион хавф-хатарларга энг кўп дуч келадиган лавозимлар рўйхати коррупцияга қарши курашиш "Комплаенс назорат" тизимини бошқариш бўлими, тегишли бўлимлар, деканат ва кафедралар ҳада клиник (ўқув) базаларнинг коррупцияга қарши курашиш бўйича масъуллари/координаторлари

тавсиясига кўра филиал директори, тегишли бўлимлар, деканат ва кафедралар ҳамда клиник (ўқув) базалар раҳбарлари томонидан тасдиқланади.

Коррупцияга қарши курашиш "Комплаенс назорат" тизимини бошқариш бўлими тавсияси асосидаги Коррупцион хавф-хатарларнинг умумлашган харитаси филиал директори томонидан тасдиқланади.

#### **4 - боб. Филиалда амалга ошириладиган функция ва тартиботларда коррупцион хавф-хатарлар даражасини баҳолаш Йўриқномаси**

**30.** Коррупцион хавф-хатарларни баҳолаш ташқи ва ички ахборот манбаларининг маълумотлари асосида таҳлил қилинади, шу жумладан:

- коррупцион хавф-хатарларни баҳолаш ўтказиладиган функцияларни амалга оширишни тартибга солувчи филиал ички ҳужжатлари ва норматив-ҳуқуқий ҳужжатлари (масалан, таркибий бўлинмалар тўғрисидаги низом, ходимларнинг лавозим йўриқномалари ва бошқалар);

- ички текширувлар, шу жумладан хизмат текширувлари материаллари;

- ички аудит ва коррупцияга қарши мониторинг натижалари; одоб-ахлоқ қоидалари бўйича Комиссия йиғилишлари натижалари;

- манфаатдор томонлар, таълим хизматларини оловчилар, экспертлар ва бошқа манфаатдор шахслар билан ўтказилган сўровнома, шу жумладан социологик тадқиқотлар натижалари бўйича олинган филиал ходимлари томонидан амалга оширилган коррупцион хатти-ҳаракатлар фактлари ҳақидаги хабарлар;

- филиал фаолияти соҳасида ҳуқуқбузарликлар ҳақидаги статистик маълумотлар;

- коррупцион хатти-ҳаракатлар тўғрисида хабарлар учун мўлжалланган алоқа каналларига фуқаро ва юридик шахслар томонидан мурожаатлар, шу жумладан "Ишонч телефонлари", Президент виртуал қабулхонаси ва Бош вазир қабулхонасига мурожаатлар;

- филиал ходимлари томонидан ахлоқ-одоб қоидаларига риоя қилмаслик фактлари ёки уларнинг коррупцион хатти-ҳаракатлари тўғрисидаги маълумотлар акс эттирилган фуқаролик жамияти мурожаатлари ва ОАВдаги маълумотлар;

- ижтимоий тармоқлардаги изоҳлар;

- ҳуқуқни муҳофаза қилиш органлари томонидан тақдим қилинган материаллар, шу жумладан прокурорнинг жавоб чоралари, жиноий ишлар бўйича материаллар ва бошқалар.

**31.** Коррупцион хавф-хатарларни баҳолаш жараёнида филиалдаги ҳар бир функция ва тартиботларни коррупцион хатти-ҳаракатларни амалга ошириш эҳтимоли нуқтаи-назаридан чуқур таҳлил қилиш зарур.

**32.** Ҳар бир функция қуйидаги мезонлар бўйича баҳоланади:

- коррупцион хавф-хатарларга энг кўп мойил бўлган функция;

- коррупцион хавф-хатарларга энг кам мойил бўлган функция.

**33.** Функция қуйидаги ҳолларда коррупцион хавф-хатарларга энг кўп мойил бўлган ҳисобланади:

- филиалнинг барча тегишли бўлимлари, деканат ва кафедралари ҳамда клиник (ўқув) базаларига юклатилган кузатув ёки назорат функциясини амалга оширилиши;

- функция доирасида фуқаролар ва/ёки юридик шахслар билан тўғридан-тўғри шахсий ўзаро алоқа амалга оширилади;

- функцияни бажариш натижаси сифатида Ўзбекистон Республикаси қонунчилигида ва ички ҳужжатларда белгиланган тадбирларни келишиш ва тасдиқлаш, давлат намунасидаги ҳужжатлар, рухсатномалар, хулосалар (шу жумладан баҳолаш хулосалари) берилиши;

- функция доирасида филиалнинг бюджет маблағлари ва/ёки мулки бегоналашуви амалга ошади ёхуд филиалнинг бюджет маблағлари ва мулкни олувчилар танланади;

- функция доирасида товарларни етказиш, ишлар бажариш ва хизматлар кўрсатиш учун буюртмаларни жойлаштириш амалга оширилади;

- функция доирасида филиал ихтиёридаги ер участкалари, бошқа кўчмас мулк объектларини ижарага олиш бўйича шартномаларни тузиш ҳуқуқи берилади;

- функция доирасида субъектив кўрсаткичларга кўра бир неча номзодлар (жисмоний ёки юридик шахслар) таққосланади;

- функция доирасида моддий-техник ресурсларнинг сақланиши ва тақсимланиши амалга оширилади;

- филиалдаги таълим муассасаларида Якуний давлат аттестацияси ўтказилади;

- филиалдаги таълим муассасаларига абитуриентларни қабул қилиниши;

- филиалдаги таълим муассасалари талабаларининг ўзлаштириш натижаларини баҳолаши;

- филиалда талабалар ўқишини кўчириш, қайта тиклаш, талабалар сафидан чиқариш масалалари бўйича қарорлар қабул қилиш, шунингдек Якуний давлат аттестациясини қайта топширишга рухсат берилиши;

- мазкур функция билан боғлиқ текширишлар натижасига кўра коррупцион ҳаракатлар тўғрисида ахборот бериш учун мўлжалланган алоқа каналлари орқали тасдиқланган хабарлар ёки шикоятларнинг мавжудлиги;

- мазкур функцияни амалга ошириш доирасида коррупцияга оид фактлар ёки гумонлар тўғрисидаги ахборотни (шу жумладан ижтимоий тармоқлардаги изоҳларни инобатга олган ҳолда) чоп этилиши;

- функцияни амалга оширувчи таркибий бўлинма раҳбари лавозимига вакант ўриннинг мавжудлиги ёхуд таркибий бўлинма раҳбарларининг тез-тез алмашинуви;

- функция билан боғлиқ бўлган коррупцион қонунбузарликлар тўғрисида ҳуқуқни муҳофаза қилувчи органлар, бошқа давлат органлари, маҳаллий ўз-ўзини бошқариш органлари ва уларнинг мансабдор шахслари томонидан тақдим этилган материалларнинг мавжудлиги;

- хизмат вазифаларини бажариш жараёнида манфаатлар тўқнашуви

бўйича тасдиқланган фактларининг мавжудлиги, шу жумладан хизмат вазифаларини бажариш жараёнида фаворитизм, непотизм (қариндош-уруғчилик), маҳаллийчилик, гуруҳбозлик ҳолатларининг мавжудлиги.

**34.** Мазкур Йўриқноманинг 33-бандида кўзда тутилмаган ҳолатларда функция коррупцион хавф-хатарга энг кам даражада мойил деб ҳисобланади.

**35.** Ҳрганилаётган функция доирасида бажариладиган тартиб-таомилларга хос бўлган хавф-хатарни баҳолаш қуйидаги мезонлар асосида амалга оширилади:

**юқори хос хавф** - функция доирасида амалга ошириладиган коррупцион хавф-хатарга энг кўп мойил бўлган тартиб-таомиллар учун ўрнатилади;

**ўртача хос хавф** - функция доирасида амалга ошириладиган коррупцион хавф-хатарга энг кам мойил бўлган тартиб-таомиллар учун ўрнатилади;

**қуйи хос хавф** - мазкур Йўриқномага киритилмаган, шундай бўлсада Ўзбекистон Республикаси коррупцион хавф-хатарлар юқори (коррупциянинг тарқалиши ва унинг қабул қилиниши бўйича Ўзбекистон Республикасининг халқаро рейтингларда жорий ҳолати асосида) мамлакат эканлигини инобатга олган ҳолда, коррупцияга қарши курашиш "Комплаенс назорат" тизимини бошқариш бўлимининг асосланган хулосаларига кўра алоҳида ҳолларда қўлланилиши мумкин. Коррупцияга қарши курашиш "Комплаенс назорат" тизимини бошқариш бўлимининг асосланган хулосалари бўйича Ўзбекистон Республикасида коррупциянинг тарқалиши ва унинг қабул қилиниши бўйича мамлакатда умумий вазиятни яхшиланиши натижасига кўра, қуйи хос коррупцион хавф мазкур Йўриқномага киритилиши мумкин.

**36.** Эҳтимолий коррупцион сценарий (хатар)лар қуйидагиларни амалга ошириш имкониятидан келиб чиқиб шаклланади:

- ходимлар ва(ёки) ўзларининг яқин қариндошлари томонидан поралар олиш, шунингдек ходимнинг ўз хизмат вазифаларини виждонан бажармаслик эвазига асосланмаган юқори даражадаги мукофотларга, преференцияларга ва имтиёзларга (шу жумладан товарлар сотиб олишда имтиёзларга) эга бўлиши, турли даражадаги ташкилотлар ёки шахслар хизматларидан фойдаланиши;

- таълим хизматларини олишда ва(ёки) кўрсатишда сунъий тусиқларни яратиш;

- белгиланган муддатларда қарор қабул қилмаслик ёхуд навбатдан ташқари тартибида тезкор қарор қабул қилиш, шунингдек алоҳида жисмоний ёки юридик шахсга нисбатан мавжуд талабларни айланиб ўтиш;

- ҳужжатларга, маълумотларнинг электрон базасига билиб туриб нотўғри маълумотларни киритиш;

- хизмат вазифаларини бажаришда манфаатлар тўқнашувига йўл қўйилиши, шу жумладан хизмат вазифаларини бажариш жараёнида фаворитизм, непотизм (қариндош-уруғчилик), маҳаллийчилик, гуруҳбозлик ҳолатларининг мавжудлиги.

**37.** Қолдиқ коррупцион хавф-хатар даражасини баҳолашда хавф ходисаси (мазкур Йўриқноманинг 6-иловасида келтирилган 6.1-жадвалдаги мезонлар) ва хавф ходисасининг юзага келиш эҳтимолини хатарлар аҳамияти матрицасидан фойдаланган ҳолда (мазкур Йўриқноманинг 6-иловасида

келтирилган 6.2-жадвалдаги мезонлар) юзага чиқишига таъсир қилиши мумкинлигини ҳисобга олган ҳолда амалга оширилади.

## **5 - боб. Коррупцион хавф-хатарнинг қолдиқ даражасини камайтириш чоралари**

**38.** Коррупцион хавф-хатарларнинг қолдиқ даражасини камайтиришга хизмат қилувчи тадбирлар, назорат ва ҳаракатлар қуйидагиларни ўз ичига олади:

- филиалдаги функциялар ва тартиботларни тартибга солинганлиги;
- таълим хизматларини кўрсатиш тартиботларини оптималлаштириш, асосланмаган чекловларни ва ортиқча маъмурий тартиботларни бартараф этиш, тартибга солишнинг бюрократик механизмларини чиқариб ташлаш, ихтиёрий ваколатлар миқдорини камайтириш, топшириладиган ҳужжатлар сонини ва қарор қабул қилиш муддатларини қискартириш;
- маъмурий тартиботлар ва бошқа ҳаракатлар қўлланиладиган филиал ходимлари ва мурожаатчи ўртасида тўғридан-тўғри мулоқотни максимал камайтириш, маълумот алмашинувининг электрон тизимини жорий этиш;
- хизмат фаолиятини амалга ошириш жараёнида ахборот технологияларини қўллаш соҳаларини кенгайтириш, иш жараёнларини автоматлаштириш, видеокузатув воситаларидан фойдаланиш ва аудиоёзувларни қайд қилиш;
- амалга оширилаётган давлат харидлари тўғрисидаги маълумотларни расмий веб-сайтда ҳамда бошқа ОАВларида жойлаштириш орқали тарқатиш;
- давлат органида коррупция ҳолатлари бўйича жамоатчиликни хабардор қилишни рағбатлантиришга қаратилган биринчи навбатда фуқаролар, нодавлат нотижорат ташкилотлари ва ОАВ билан ўзаро ҳамкорлик шаклларини кенгайтириш;
- филиалнинг барча бўлимлари, деканат ва кафедралари ҳамда клиник (ўқув) базаларида маънавий-маърифий тадбирлар ва профилактик суҳбатларни ўтказиш, “Ишонч телефони” ва алоқа каналларини тарғиб қилиш;
- коррупцияга қарши курашиш масалалари бўйича филиал ходимларини ўқитиш;
- номзодлар танловини ўтказиш механизмининг такомиллаштириш, уларни аниқ мезонларини ўрнатиш ҳамда шаффофликни таъминлаш, коррупцион хавф-хатарларга кўпроқ мойил лавозим эгалари филиал ходимларини мажбурий ротацияси тартибини тасдиқлаш;
- бир киши томонидан қарорлар қабул қилиш ҳолатларини камайтириш, шунингдек қабул қилинган қарорлар натижалари бўйича филиал ходимлари томонидан ҳисобот беришда қўшимча шаклларни жорий этиш;
- филиал ходимлари томонидан коррупцияга қарши курашиш ва манфаатлар тўқнашувини бошқариш масалалари бўйича ички ҳужжатларга амал қилиниши бўйича назоратни таъминлаш;

- филиалда коррупцияга қарши курашиш тизими элементларини самарали амал қилишини таъминлаш.

**39.** Коррупцион хавф-хатарларни камайтириш бўйича чора-тадбирларни аниқлашда қуйидаги шартлар ўз аксини топиши зарур:

- хар бир чора-тадбир тушунарли ва аниқ қилиб шакллантирилиши керакки, у филиал ходимларининг тўлиқ англашига хизмат қилиши зарур, унинг мақсади ва якуний натижаси конкрет коррупцион хавф-хатарларни камайтириш билан боғланган бўлиши лозим;

- хар бир чора-тадбир учун амалга ошириш даврийлиги ва муддати ўрнатилган бўлиши, амалга ошириш учун масъул ижрочилар, шунингдек унинг самарадорлигини баҳолаш ва амалга ошириш мониторинги механизмлари белгиланиши керак.

**40.** Филиалнинг барча бўлимларида, деканат ва кафедраларида ҳамда клиник (ўқув) базаларида аниқланган коррупцион хавф-хатарларни камайтириш бўйича тадбирлар (ўзларининг коррупцион хавф-хатарлар хариталарига киритилган) филиал ва унинг барча тегишли бўлимлари, деканат ва кафедралари ҳамда клиник (ўқув) базаларининг коррупцияга қарши кураш бўйича Дастурларига киритилади (мазкур Йўриқноманинг 4-илоvasи).

Коррупцион хавф-хатарлар хариталарида ўз аксини топган аниқланган коррупцион хавф-хатарларни камайтириш бўйича тадбирларни филиалнинг коррупцияга қарши курашиш бўйича дастурларига киритилади.

**41.** Коррупцион хавф-хатарларни камайтириш бўйича тадбирлар ижросини бажармаслик ёки лозим даражада бажармаганлик учун жавобгарлик филиал директори ва барча тегишли бўлим бошлиқлари, декан ва кафедра мудирлари ҳамда клиник (ўқув) базалар раҳбари зиммасига юкланади.

**42.** Филиалда коррупцион хавф-хатарларни камайтириш бўйича тадбирлар ижроси назорати коррупцияга қарши курашиш "Комплаенс назорат" тизимини бошқариш бўлими, шунингдек барча тегишли бўлимлар, деканат ва кафедралар ҳамда клиник (ўқув) базаларнинг коррупцияга қарши курашиш бўйича масъуллари/координаторлари томонидан амалга оширилади.

## **6 - боб. Якунин қоидалар**

**43.** Зарурият туғилганда, филиалда коррупцион хавф-хатарлар харитаси ҳамда коррупцияга қарши курашиш дастурига ўзгартириш ва қўшимчалар киритиш билан боғлиқ масалалар коррупцияга қарши курашиш "Комплаенс назорат" тизимини бошқариш бўлими, барча тегишли бўлимлар, деканат ва кафедралар ҳамда клиник (ўқув) базаларнинг коррупцияга қарши курашиш бўйича масъуллари/координаторлари таклифига асосан филиал директори ва барча тегишли бўлимлар, деканат ва кафедралар ҳамда клиник (ўқув) базаларнинг раҳбарлари томонидан кўриб чиқилади.